

मार्निंग डोगरी न्यूज़ बुलेटिन, समें. 09.20 Hrs



एह आकाशवाणी जम्मू ऐ, बडलै खबरें च तुंदा सुआगत, पैहले  
खास-खास खबरें कन्नै अभिलाषा शर्मा।

## Headlines

- 1- प्रधानमंत्री नरेंद्र मोदी होर सेमीकॉन इंडिया 2024 सम्मेलन दा अज्ज उद्घाटन करडन।
- 2- जम्मू संभाग दे 24 असेंबली हल्कें लेई साबका मंत्रिएं ते साबका विधायकें सने तकरीबन 3 दर्जन मेदवारें नामांकन भरे न। त्रीये गेड़ दे चुनां लेई नामांकन भरने दा कल खीरी ध्याड़ा ऐ।
- 3- अखनूर दे कानाचक्क इलाके च बन्ने पारा थमां होई दी गोलीबारी च बीएसएफ दा इक्क जवान जख्मीं होई गोआ ऐ।

4 पेरिस पैरालंपिक खेड्डें च तगमे जितने आहले भारती  
खड्डारिएं लेई केंद्र सरकारै नगद ईनाम दा ऐलान कीता ऐ।

<><><><><><>

हुन खबरें दी तफसील कन्नै विजय बजाज।

-----

<><><><><><>

## PM-Modi

प्रधानमंत्री नरेंद्र मोदी होर अज्ज ग्रेटर नोएडा च सेमीकॉन इंडिया  
2024 दा उद्घाटन करडन। त्रुं दिनें दे इस कार्यक्रम दा विषेसार  
ऐ "सेमीकंडक्टर दे भविकख गी आकार देना"। इस सम्मेलन दा  
मकसद भारत दी सेमीकंडक्टर रणनीति ते नीति दा प्रदर्शन करने  
दे कन्नोकन्नी भारत गी सेमीकंडक्टर दे इक वैशिवक केंद्र दे रूपै च  
स्थापित करना ऐ। आकाशवाणी संवाददाता नै जानकारी दिती ऐ जे

समीकंडक्टर इंडिया कुल संसारी दे खेतर च अक्वल लीडरें दी भागीदारी दा साक्षी बनोग। एह् सम्मेलन वैश्विक नेताएं, कंपनियें ते माहिरें गी किट्ठे इक मंच पर आन्नोग। एहदे च 250 शा मते प्रदर्शक ते 150 वक्ता हिस्सा लैडन। प्रधानमंत्री होरें इस सम्मेलन दी अध्यक्षता करदे होई इस गल्लै पर बल दिता जे लोकतंत्र ते टेक्नोलॉजी दौनें गी रलाइयै मनुक्खता दा कल्याण कीता जाई सकदा ऐ। उनें आखेआ जे भारत समीकंडक्टर दे खेतर च अपनी वैश्विक जिम्मेदारी गी पंछानदे होई इस बतै पर अगगे टुरा'रदा ऐ।

<><><><><><>

## Nominations

जम्मू संभाग दे 24 असैम्बली हल्कें च त्रीये गेड़ तैहत पैहली अक्टूबर गी होने आले चुनां लेई 4 साबका मंत्रिएं, दऊं साबका विधायकें, इक साबका एसएसपी ते बीजेपी दे दे बागी नेता सने

तकरीबन 3 दर्जन मेदवारें नामांकन भरे न। साबका मंत्री ते नेशनल कांफ्रेंस दे नेता अजय सडोत्रा ते बीएसपी दे बद्रीनाथ होरें जम्मू नार्थ सीट लेई नामांकन भरेया ऐ। बीजेपी दे राश्ट्री सचिव डाक्टर नरिंद्र सिंह रैना होरें आर.एस.पुरा-जम्मू साउथ सीट लेई नामांकन भरेया। इस मौके साबका केंद्री मंत्री अनुराग सिंह ठाकुर उंदे कन्नै हे। साबका मंत्री चौधरी लाल, गारू राम ते डीपीएपी दे मेदवार होरें आरएसपुरा जम्मू साउथ सीट लेई नामांकन दाखल कीता ऐ। कठुआ जिले च बीजेपी दे सतीश शर्मा होरें बिलावर हल्के थमां ते कांग्रेस दिएं काजल राजपूत होरें बनी हल्के थमां नामजदगी दाखल कीती। कांग्रेस दे बलवीर सिंह जसरोटा थमां ते राकेश चौधरी हीरानगर इलाके थमां मैदान च उतरे न। बीजेपी दे बागी नेता चंद्र मोहन शर्मा होरें आजाद मेदवार दे तौर पर जम्मू ईस्ट हल्के थमां नामांकन भरेया। साबका मंत्री देवेंद्र मन्याल होरें रामगढ़ थमां ते साबका मंत्री हर्षदेव सिंह होरें उधमपुर दे चनैनी

हल्के थमां नामजदगी दाखल कीती ऐ। साबका एसएसपी मोहन लाल भगत होरें केंद्री मंत्री जी. किशन रेड्डी हुंदी मौजूदगी च बीजेपी मेदवार दे तौर पर अखनूर थदामां नामांकन भरेया।

<><><><><><>

### Nomination- 3<sup>rd</sup> Phase

जम्मू-कश्मीर च त्रीये ते अखीरले गेड़ दे असैम्बली चुनाएं लेई 40 विधानसभा हल्कें गितै नामांकन दर्ज करोआने दा कल खीरी ध्याड़ा ऐ। मेदवार जम्मू खिते दिएं 24 असैम्बली सीटें ते कश्मीर घाटी दे 16 असैम्बली हल्कें लेई नामजदगी दाखल करी सकदे न। नामजदगी आले कागदें-पत्रें दी जांच 13 सितंबर गी कीती जाग ते मेदवार 17 सितंबर तगर अपना नां वापस लेई सकदे न। इस गेड़ तैहत पैहली अक्टूबर गी जम्मू जिले दे 11 असैम्बली हल्कें, कठुआ जिले दे 6, उधमपुर दे 4 ते साम्बा जिले दे 3 असैम्बली हल्कें लेई वोट पोआए जाने न।



बकख-बकख राजनीतिक पार्टियें आस्सेया चुनां प्रचार लेई कुल 3  
जहार 179 इजाजतें दी गुजारिश कीती गेई ही जेदे चा चुनां  
अधिकारियें छड़ी 2 जहार 350 इजाजतें दी गै अनुमति दिती ऐ।  
इनें इजाजतें च घर-घर जाइयै प्रचार करना, हैलीकाप्टरें दा  
इस्तेमाल, लाउडस्पीकरें दा इस्तेमाल ते इशतयारी परचे बंडना  
शामल ऐ। एहदे अलावा जम्मू-कश्मीर दे मुख चुनां अधिकारी होरें  
मेदवारें गी ते राजनीतिक पार्टियें गी “सुविधा“ एप्लीकेशन ते मंच  
दा इस्तेमाल करने दा बी आह्वान कीता जेड़ा चुनां अभियान  
दौरान लोड़चदी इजाजतें लेई आवेदन प्रक्रिया गी सखल्ला बनाने दे  
लक्ष्य कन्नै बनाई गेदी ऐ।

<><><><><><>

## Kishtwar-Postal

भारती चुनां आयोग दे नियमें ते दिशा-निर्देशों दी सखती नै पालमा यकीनी बनांदे होई किश्तवाड़ जिले च चुनावी ड्यूटी लेई तैनात मतदाताएं लेई डाक राहें वोट पाने दी प्रक्रिया गी कल तोढ़ चाढ़ेया गेआ। आकाशवाणी दे जम्मू संवाददाता दी रिपोर्ट मुजब जिला चुनां अधिकारी राजेश कुमार शवन हुंदी दिक्ख-रिक्ख्ठा हेठ कल डाक राहें मतदान दे पैहले ध्याड़े जिले दे पाडर-नागसेनी विधानसभा हल्के च 794 योग्य मतदाताएं चा 442एं डाक राहें वोट पाने दे अपने हक्के दा इस्तेमाल कीता। इयां गै किश्तवाड़ हल्के च 1 जहार 809 मतदाताएं चा 879एं डाक राहें मतदान कीता ते इंदरवाल हल्के च 989 योग्य मतदाताएं चा 621एं डाक राहें वोट पाया।

<><><><><><>

## Biker SVEEP

जम्मू-कश्मीर च आँदे विधानसभा चुनाएं गी दिक्खदे होई जारी स्वीप अभियान तैहत केई कार्यक्रमें दा सरिस्ता कीता जा रदा ऐ। इस्सै अभियान तैहत उधमपुर च इक मोटर साइकल रैली दा आयोजन कीता गेआ। उधमपुर दियां जिला चुनां अधिकार सलोनी राय होरें मोटर साइकल चालकें दा स्वागत कीता ते उंदे कन्नै गल्लबात कीती। गल्लबात दौरान उनें वोट पाने दे महत्व बारै जागरूकता फैलाने पर जोर भरेया ते मोटर साइकल चालकें दा आह्वान कीता जे ओह नौजवानें गी इयै नेय जागरूकता अभियानें च हिस्सा लैने लेई प्रेरित करन ते चुनाएं च बदी-चढ़िए हिस्सा लैने लेई लोकें दा दिल बदान।

<><><><><><>

## Hiranagar-SVEEP

आँदे असैम्बली चुनाएं च मते शा मते लोकें दी शमूलियत यकीनी बनाने लेई इक अनोखी पैहलकदमी दे तैहत कठुआ जिले दे हीरानगर विधानसभा हल्के च स्वीप प्रोग्राम गी योग दे अभ्यास कन्नै जोड़ेया गेआ। आकाशवाणी दे जम्मू संवाददाता मुजब स्वीप तैहत योग आले इस कार्यक्रम दा सरिस्ता आई.टी.आई हीरानगर च कीता गेआ जेहदे च युवा मतदाताएं, बूथ सतह दे अफसरें, आशा ते आंगनवाड़ी वर्करें ते सीआरपीएफ दे जवानें बी बधी-चढ़ियै हिस्सा लैता। कार्यक्रम दे दरान प्रतिभागिणं गी योग दे राहें मतदान दे महत्व दा महत्वपूर्ण संदेश दित्ता गेआ।

<><><><><><>

ते हुन बाकी दिएं खबरें कन्नै अभिलाषा शर्मा।

## BSF-Jammu

अखनूर सैक्टर दे कानाचक्क इलाके च अज्ज बड्डलै मुंह न्हरे बन्ने पारा थमां होई दी गोलीबारी च बीएसएफ दा इक जवान जख्मीं होई गेआ। बीएसएफ प्रवक्ता दे हवाले कन्नै खबर एजेंसी एनआईए नै रिपोर्ट दिती ऐ जे जंदी रातीं तकरीबन 2 बज्जियै 35एं मँटें पर बन्ने पारा थमां बिजन इश्तेयाल दे गोलीबारी कीती गेई जेदा बीएसएफ नै बनकदा परता दिता। जख्मीं बीएसएफ जवान गी अस्पताल च भर्ती करोआई दिता गेदा ऐ। इलाके च हाई अलर्ट दे बाद जवानें आस्सेया पूरे इलाके गी खंगालेया जा करदा ऐ।

<><><><><><><>

## Engineer-Rashid

दिल्ली दी इक अदालतै आतंकवादी गतिविधिं लेई रपेआ-पैसा उपलब्ध करोआने दे मामले च लोकसभा सांसद इंजीनियर रशीद गी औंदी 2 अक्टूबर तगर अंतरिम जमानत देई दिती ऐ। इंजीनियर रशीद ने नां कन्नै मशहूर शेख अब्दुल रशीद नै जेलै च बंद रौहंदे होई गै 2024 दे लोकसभा चुनाएं च बारामूला हल्के थमां साबका मुखमंत्री ओमर अब्दुल्ला होरें गी हराई दिता हा। 2017 च आतंकी गतिविधिं लेई रपेआ-पैसा उपलब्ध करोआने दे मामले च गैर कनूनी गतिविधिं दी रोकथाम सरबंधी कनून तैहत राश्ट्रीय जांच एजेंसी एनआईए नै 2019 च इंजीनियर रशीद गी हिरासत च लैता हा ते तदुं थमां गै ओह तिहाड़ जेल च ढकोए दा ऐ।

<><><><><><>

## CS-Tourism

मुकख सचिव अटल डुल्लू होरें जम्मू-कश्मीर च घट्ट मशहूर सैलानी थाहरें गी बढावा देने लेई विश्व बैंक गी आग्रह कीता ऐ। पूरे प्रदेश च केइएं घट्ट मशहूर सैलानी थाहरें दे विकास ते प्रचार-प्रसार बारै तफसीली विचार विमर्श करने लेई विश्व बैंक दी टीम कन्नै गल्लबात आले इक सत्र गी बढावा देने लेई प्रशासन आस्सेया कीती गेदी बकख-बकख पैहलकदमिएं उप्पर लोह पाई। इस मौके पर सैलसफा कमिशनर सैकरेटरी, सैलसफा निदेशक ते होरनें मुतल्लका अफसर बी मौजूद हे।

<><><><><><><>

## Mela-Patt

त्रऊं दिनें दे ऐतिहासिक मेला पट्ट दा कल भद्रवाह च समापन होई गेआ जित्थे ज्हरां बद्दे श्रद्धालु किट्टे होए। साम्प्रदायिक रमानदारी ते प्राचीन नाग संस्कृति जेहड़ी 5 सदियें परानी विरासत

दी इक मिसाल ऐ, गी अंतरराश्ट्रीय सांस्कृतिक कार्यक्रम दे तौर पर पेश करियै अगड़े स्तर तगर पुजाने लेई प्रशासन नै इस बरे बकख-बकख पैहलकदमियां कीतियां न तां जे इस त्यौहार गी विरासती दर्जा थहोई सकै। डोडा दियां डीडीसी उपाध्यक्ष संगीता रानी भगत होरें आकाशवाणी कन्नै गल्ल करदे होई आखेआ।

<><><><><><>

### Paralympic-Cash Award

केंद्री खेड्ढ मंत्री मनसुख मांडविया होरें कल घोषणा कीती जे पैरालंपिक खेड्ढें 2024 च सुन्ने दे तगमें जितने आहले भारतीय खडारिएं गी 75 लकख रपे दा नकद ईनाम दिता जाग। चांदी दा तगमा जितने आलें गी 50 लकख रपे ते कैह दा तगमा जितने आहले भारतीय खडारिएं गी 30 लकख रपे दी नकद रकम ईनाम दे तौर पर दिती जार्गं मिक्स्ड टीम इवेंटें च बेहतरीन प्रदर्शन करने आले खडारी जियां तीरंदाज शीतल देवी होरें गी 22 लकख

50 ज्हार रपे दित्ते जांगन। मंत्री होरें इस गल्ले दी घोषणा इक बड्डे कार्यक्रम च जेतुएं गी सम्मानित करने लेई आयोजित इक कार्यक्रम दौरान कीती। मांडविया होरें 2028 च होने आले लॉस एन्जलस पैरालंपिक्स च होर मते तगमें जितने दे लक्ष्य गी पूरा करने लेई पैरा एथलीटें गी पूरा-पूरा सर्मिन ते स्हूलतां देने दा वायदा कीता ऐ।

<><><><><><>